

**Studentski klub Iudex**

Sarajevo, 18.02.2022. godine

U skladu sa Odlukom Nastavno-naučnog vijeća Fakulteta o učešću studenata na takmičenjima (od 15.01.2020. godine; dalje: Odluka) Univerzitet u Sarajevu – Pravni fakultet (dalje: Fakultet), objavljuje

J A V N I P O Z I V
ZA UČEŠĆE U XVI REGIONAL MOOT COURT COMPETITION -
TAKMIČENJE U SIMULACIJI SUĐENJA PRED EVROPSKIM SUDOM ZA
LJUDSKA PRAVA

[Regional Moot Court Competition](#) (dalje: Takmičenje) je jedan od najprestižnijih takmičenja iz ljudskih prava u Evropi i vodeće takmičenje za pravne fakultet u regionu Zapadnog Balkana. Kontinuirano ga već 16 godina organizuje švedska nevladina organizacija [Civil Rights Redefenders](#). Takmičenje okuplja 12 pravnih fakulteta sa područja bivše Jugoslavije i Albanije.

Ono se sastoji iz dva dijela: pismenog i usmenog. U okviru pismenog dijela, na osnovu hipotetičkog slučaja, takmičari pišu podneske aplikanta i države, a glede navodne povrede [Konvencije za zaštitu ljudskih prava i temeljnih sloboda](#) (dalje: Konvencija). Usmeni dio Takmičenja podrazumijeva simulaciju javne rasprave pred [Evropskim sudom za ljudska prava](#), koja se održava u sudnicama i pred sudijama najviših sudova u regionu, te trenutnim i bivšim sudijama Evropskog suda za ljudska prava. Pobjednik Takmičenja se susreće sa pobjednikom sestrinskog takmičenja za pravne fakultete nordijskih država, na Trans-European Moot Court Competition (u sudnici Evropskog suda za ljudska prava, u Strasbourgu/Francuska).

Fakultet kontinuirano učestvuje na Takmičenju, te je 2021. godine ostvario svoj najbolji uspjeh, pobjeđivši prvo na [XV Regional Moot Court Competition](#), a potom i na [VIII Trans-European Moot Court Competition](#).

Preliminarni kalendar XVI Takmičenje je slijedeći:

- 1) Dostavljanje hipotetičkog slučaja: 04. ili 11. mart 2022. godine.
- 2) Dostavljanje pisanih podnesaka: 08. ili 15. april 2022. godine.
- 3) Pripremanje za usmeni dio Takmičenja: 15. april – 20. maj 2022. godine.
- 4) Usmeni dio Takmičenja: 20. – 23. maj 2022. godine (Niš/Republika Srbija ili putem KUDO-online platforme).



Studentski klub Fakulteta koji učestvuje na Takmičenju, čini minimalno četiri člana, a najviše osam. Prava i obaveze članova studentskog kluba su uređena Odlukom, koja je dostupna na web stranici Fakulteta: <https://www.pfsa.unsa.ba/pf/wp-content/uploads/2020/02/Odluka-o-u%c4%8de%c5%a1%c4%87u-studenata-na-takmi%c4%8denjima.pdf>.

Od članova studentskog kluba se očekuje da poznaju engleski jezik; da imaju bazična znanja o Konvenciji i javnom nastupu. Nužno je da se radi o studentima III ili IV godine I ciklusa studija ili II ciklusa studija, koji su posvećeni timskom radu i preuzetim obavezama.

Prijave za učešće na XVI Takmičenju se sastoje od slijedećeg:

- 1) Biografija,
- 2) Informacija o poznavanju engleskog jezika,
- 3) Informacija o učešću u dosadašnjim vannastavnim aktivnostima, posebno onim posvećenim ljudskim pravima te javnog nastupa.

Prijava se dostavlja u jednom dokumentu, sa nazivom: IME_PREZIME_PRIJAVA. Ona se dostavlja na email adresu asistenta Haruna Išerića: h.iseric@pfsa.unsa.ba. Na istu email adresu potencijalni takmičari mogu dostaviti svoja pitanja.

Rok za dostavljanje prijave je: 22. februar 2022. godine, do 16,00 sati.

Potencijalnim takmičarima se savjetuje da se, prije dostavljanja prijave, detaljno informišu sa sadržajem Odluke i upoznaju sa iskustvom svojih kolegica i prošlogodišnjih takmičarki (Emina Kukuljac, Lamija Dedagić, Anesa Karaman, Delila Islamović).